



Broj: 01/1-45- /25
Bihać, 26.12.2025.godine

ZAPISNIK
sa 33. redovne sjednice Skupštine Unsko-sanskog kantona
održane dana 26.12.2025.godine

33. redovna sjednica Skupštine Unsko-sanskog kantona održana je dana 26.12.2025.godine (petak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 27 zastupnika.

Odsutni su zastupnik Hajrudin Halilović, zastupnik Almin Hopovac i zastupnica Elvira Abdić Jelenović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 33. redovne sjednice Skupštine Unsko-sanskog kantona na osnovu materijala koji su se nalazili u Skupštini. On je također naglasio da je na sjednici prisutno 27 zastupnika i da je obezbjeđen kvorum za rad.

Zatim je predsjedavajući Skupštine pročitao

D n e v n i r e d

1. Zapisnik sa 32. redovne sjednice,
2. Poslanička pitanja,
3. a) Prijedlog Budžeta Unsko-sanskog kantona za 2026. godinu;
b) Prijedlog Zakona o izvršavanju Budžeta Unsko-sanskog kantona za 2026.godinu,
4. Nacrt Zakona o predškolskom odgoju i obrazovanju.

Također predsjedavajući Skupštine upoznao je prisutne da je Vlada Unsko-sanskog kantona predložila da se prijedlog Budžeta Unsko-sanskog kantona za 2026.godinu i prijedlog Zakona o izvršavanju Budžeta Unsko-sanskog kantona za 2026.godinu razmatraju po hitnom postupku, te da je uz predmetne materijale u skladu sa članom 32. stav 2. Zakona o budžetima u Federaciji Bosne i Hercegovine dostavljen dokument Okvirnog budžeta Unsko-sanskog

kantona 2026.-2028.godina kao informacija kako bi se skupštinski zastupnici upoznali sa budžetskim projekcijama u naznačenom periodu.

Zatim je predsjedavajući Skupštine zamolio Jakšić Danka, ministra Ministarstva finansija da obrazloži razloge za razmatranje navedenih materijala po hitnom postupku.

Jakšić Danko, ministar Ministarstva finansija obrazložio je razloge za razmatranje prijedloga Budžeta Unsko-sanskog kantona za 2026.godinu i prijedloga Zakona o izvršavanju Budžeta Unsko-sanskog kantona za 2026.godinu po hitnom postupku.

Predsjedavajući Skupštine zahvalio se g-dinu Jakšiću na obrazloženju, te je shodno odredbama člana 137. Poslovnika Skupštine Unsko-sanskog kantona zamolio Fatku Kulenović, predsjedavajuću Komisije za ustavna, zakonodavno pravna i pitanja evropskih integracija da iznese stav Komisije po pitanju hitnosti donošenja predmetnih materijala.

Fatka Kulenović, predsjedavajuća Komisije za ustavna, zakonodavno pravna i pitanja evropskih integracija upoznala je prisutne da je Komisija u skladu sa članom 137. Poslovnika Skupštine Unsko-sanskog kantona predložila da se prijedlog Budžeta i prijedlog Zakona o izvršenju Budžeta Unsko-sanskog kantona za 2026.godinu razmatraju po hitnom postupku.

Predsjedavajući Skupštine zahvalio se g-di Kulenović, a zatim je otvorio raspravu.

Učešće u diskusiji uzeo je zastupnik Asmir Ćufurović.

Nakon zaključene rasprave, predsjedavajući Skupštine zamolio je zastupnike da se izjasne o prijedlogu Vlade Unsko-sanskog kantona da se prijedlog Budžeta Unsko-sanskog kantona za 2026.godinu i prijedlog Zakona o izvršavanju Budžeta Unsko-sanskog kantona za 2026.godinu razmatraju po hitnom postupku.

Sa 17 glasova »za«, 1 glasom »protiv« i 8 glasova »suzdržan«, prijedlog zaključka da se prijedlog Budžeta Unsko-sanskog kantona za 2026.godinu razmatra po hitnom postupku, dobio je potrebnu većinu.

Sa 16 glasova »za«, bez glasova »protiv« i 9 glasova »suzdržan«, prijedlog zaključka da se prijedlog Zakona o izvršavanju Budžeta Unsko-sanskog kantona za 2026.godinu razmatra po hitnom postupku, dobio je potrebnu većinu.

Po poslovniku za riječ se javio zastupnik Zikrija Duraković koji je konstatovao, da traži pojedinačno izjašnjavanje o prijedlogu zaključka da se prijedlog Zakona o izvršavanju Budžeta Unsko-sanskog kantona za 2026.godinu razmatra po hitnom postupku.

Pojedinačnim izjašnjavanjem, sa 18 glasova »za«, 7 glasova »protiv« i 2 glasa »suzdržan«, prijedlog zaključka da se prijedlog Zakona o izvršavanju Budžeta Unsko-sanskog kantona za 2026.godinu razmatra po hitnom postupku, dobio je potrebnu većinu.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 32. redovne sjednice

Bez rasprave, sa 26 glasova »za«, bez glasova »protiv« i 1 glasom »suzdržan«, Zapisnik sa 32. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Emir Dautović, Emir Šabić,

(Sjednici Skupštine Unsko-sanskog kantona pristupio zastupnik Almin Hopovac)

Sanil Hasić, Fatka Kulenović, Aida Pašić, Asmir Ćufurović, Rusmira Konjević, Azhar Sejarić, Azra Tajić, Ines Delić i Elvir Risović.

Ad.3.

a) Prijedlog Budžeta Unsko-sanskog kantona za 2026. godinu

b) Prijedlog Zakona o izvršavanju Budžeta Unsko-sanskog kantona za 2026.godinu

Izvjestilac:

- Mustafa Ružnić, premijer Unsko-sanskog kantona,
- Danko Jakšić, ministar Ministarstva finansija.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku.

Zatim je predsjedavajući Skupštine konstatovao, da bi se ubrzo trebala napraviti pauza u periodu od 12.00 do 14.00 sati, obzirom da postoji mogućnost da će za vrijeme pauze zasjedati Kolegij Skupštine Unsko-sanskog kantona. On je također naglasio da je većina zastupnika zatražila da se otvori rasprava, te je shodno tome predsjedavajući Skupštine otvorio raspravu.

Po Poslovniku za riječ se javila zastupnica Ines Delić koja je konstatovala, da zastupnici nisu dobili potpun materijal, obzirom da nedostaje Mišljenje Federalnog ministarstva finansija, te je zamolila da se predmetni materijal kompletira.

S tim u vezi, predsjedavajući Skupštine je konstatovao, da je ministar Ministarstva finansija naglasio da će predmetno mišljenje biti dostavljeno, a zatim je zamolio ministra da isto obrazloži.

Danko Jakšić, ministar Ministarstva finansija upoznao je prisutne da je resorno Ministarstvo dana 22.12.2025.godine zatražilo mišljenje Federalnog ministarstva finansija i da su u stalnoj komunikaciji sa federalnim ministrom, te da iz razloga samog kreiranja Budžeta FBiH i obaveza ministra predmetno mišljenje nije potpisano. On je također naglasio da je na e-mail pristigao draft mišljenja koje je pozitivno, te da će do 12.00 sati doći predmetno Mišljenje u pisanom obliku potpisano od strane ministra, a koje će nakon pauze biti dostupno svim skupštinskim zastupnicima.

Za riječ se javila zastupnica Zinajda Hadžić.

Nakon završene diskusije g-de Hadžić, predsjedavajući Skupštine je zamolio zastupnike da se izjasne o prijedlogu pauze u trajanju do 14.00 sati.

Nakon izjašnjavanja, predsjedavajući Skupštine je konstatovao, da je prijedlog za pauzu do 14:00 dobio potrebnu većinu.

Nakon završene pauze, učešće u nastavku diskusije uzeli su: Aida Pašić, Azra Tajić, Fatka Kulenović, Amir Murić, Nijaz Kadirić, Asmir Ćufurović, Sanil Hasić, Emir Dautović, Irma Fatkić, Abid Mulalić, Nisvet Jusić, Azra Tajić, Azhar Sejarić, Ines Delić i Šuhret Fazlić.

Odgovore na postavljena pitanja zastupnika dali su:

- Danko Jakšić, ministar Ministarstva finansija,
- Mustafa Ružnić, premijer Unsko-sanskog kantona.

Zatim je predsjedavajući Skupštine upoznao zastupnike da će se ubrzo održati sjednica Vlade Unsko-sanskog kantona na kojoj će se razmatrati predloženi amandmani na prijedlog Budžeta Unsko-sanskog kantona za 2026.godinu, te je predložio da se nastavi sa dnevnim redom.

Kako je u međuvremenu završena amandmanska sjednica Vlade Unsko-sanskog kantona, predsjedavajući Skupštine je zamolio ministra Ministarstva finansija da obrazloži stav Vlade Unsko-sanskog kantona u vezi predloženih amandmana na prijedlog Budžeta Unsko-sanskog kantona za 2026.godinu.

Danko Jakšić, ministar Ministarstva finansija upoznao je prisutne da je Vlada Unsko-sanskog kantona zaprimila ukupno 9 amandmana na prijedlog Budžeta Unsko-sanskog kantona za 2026.godinu i to 2 amandmana koje je podnijela zastupnica Aida Pašić i 7 amandmana koje je podnio Klub SDA, te da Vlada Unsko-sanskog kantona nije prihvatila predmetne amandmane.

Obzirom da zastupnica Aida Pašić i Klub SDA ostaju pri uložnim amandmanima, predsjedavajući Skupštine daje na glasanje:

- Amandman I na prijedlog Budžeta Unsko-sanskog kantona za 2026.godinu, podnesen od zastupnice Pašić Aide koji glasi: „U Budžetu Unsko-sanskog kantona za 2026. godinu u razdjelu/glava/potrošačka jedinica 13020005/Budžetski korisnik Općinski sud Cazin, ekonomski kod 821600 izvor 10 – Rekonstrukcija i investiciono održavanje, povećava se za iznos od 1.000.000 KM tako da ukupna pozicija postaje 2.000.000 KM, na način da se umanju iznos 500.000 KM sa razdjel/glava/potrošačka jedinica 1201001 Budžetski korisnik: Ministarstvo unutrašnjih poslova USK, ekonomski kod 821200 izvor 10 - Nabavka građevina, i 500.000 KM sa razdjel/glava/potrošačka jedinica 1801001 Budžetski korisnik: Ministarstvo obrazovanja, nauke, kulture i sporta, ekonomski kod 821600 izvor 10 - Rekonstrukcija i investiciono održavanje“, sa 8 glasova »za«, 5 glasova »protiv« i 12 glasova »suzdržan«, nije dobio potrebnu većinu.
- Amandman II na prijedlog Budžeta Unsko-sanskog kantona za 2026.godinu, podnesen od zastupnice Pašić Aide koji glasi: „U Budžetu Unsko-sanskog kantona za 2026.godinu u razdjelu/glava/potrošačka jedinica 18040019 budžetski korisnik Gimnazija Cazin, ekonomski kod 613400 – Nabavka materijala i sitnog inventara, povećava se za iznos od 6.000 KM tako da ukupna pozicija postaje 7.000 KM, na način da se umanju iznos 6.000 KM sa razdjel/glava/potrošačka jedinica 18010001 budžetski korisnik: Ministarstvo obrazovanja, nauke, kulture i sporta, ekonomski kod 613900 - Ugovorene i druge posebne usluge“, sa 8 glasova »za«, 4 glasa »protiv« i 12 glasova »suzdržan«, nije dobio potrebnu većinu.
- Amandman I na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko – sanskog kantona za 2026. godinu vrši se preraspodjela kako slijedi Umanjuju se sredstva: Kod budžetskog korisnika Vlada Unsko-sanskog kantona, Na razdjelu 11, glava 01, potrošačka jedinica 0001, Ekonomski kod 614300 - Tekući grantovi neprofitnim organizacijama, u iznosu 100.000,00 KM, Kod budžetskog korisnika Vlada Unsko-sanskog kantona, Na razdjelu 11, glava 01, potrošačka jedinica 0001, Ekonomski kod 615100 – BAS009 Kapitalni grantovi drugim nivoima vlasti u iznosu 450.000 KM, Kod budžetskog korisnika Uprava policije, Na razdjelu 12, glava 02, potrošačka jedinica 0001, Ekonomski kod 613900 CBK001 - Ugovorene usluge – Dan policije u iznosu 100.000,00 KM, Kod budžetskog korisnika Poljoprivredni zavod, Na razdjelu 26, glava 01, potrošačka jedinica 0001, Ekonomski kod 821400 - RAX005 Nabavka ostalih stalnih sredstava, u iznosu od 300.000,00 KM, Kod budžetskog korisnika Poljoprivredni zavod, Na razdjelu 26, glava 01, potrošačka jedinica 0001, Ekonomski kod 821400 - RAX006 Nabavka ostalih stalnih sredstava – Program razvoja zaštite i spašavanja ljudi i materijalnih dobara, u iznosu od 50.000,00 KM. Povećavaju se sredstva: Kod budžetskog korisnika Kantonalna uprava civilne zaštite, Razdjel 27, glava 01, potrošačka jedinica 0001, Ekonomski kod 615100 Kapitalni grantovi drugim nivoima vlasti i fondovima, u iznosu od 700.000,00 KM, Kod budžetskog korisnika Kantonalna uprava civilne zaštite, Razdjel 27, glava 01, potrošačka jedinica 0001, Ekonomski kod 615300 - Kapitalni grantovi neprofitnim organizacijama, U iznosu od 100.000,00 KM. Kod budžetskog korisnika Kantonalna uprava civilne zaštite, Razdjel

27, glava 01, potrošačka jedinica 0001, Ekonomski kod 821200 - Nabavka građevina, u iznosu od 200.000,00 KM“, sa 6 glasova »za«, 4 glasa »protiv« i 13 glasova »suzdržan«, nije dobio potrebnu većinu.

- Amandman II na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko – sanskog kantona za 2026.godinu, kod budžetskog korisnika Ministarstva zdravstva, rada i socijalne politike, na razdjelu 17, glava 01, potrošačka jedinica 0001, Ekonomski kod 614100 – Tekući grantovi, Subanalitika HAL010 – Sredstva za potporu demografskog razvoja, Funkcija 1090, umanjuju se sredstva za iznos od 100.000,00 KM. Kod istog budžetskog korisnika otvaraju se novi ekonomski kodovi i raspoređuju na sljedeći način: Jednokratna novčana pomoć za opremu novorođenog djeteta u iznosu 50.000,00 KM, Pomoć u prehrani djeteta do navršenih 6 mjeseci života i dodatna ishrana za majke dojilje u iznosu 50.000,00 KM“, sa 6 glasova »za«, 3 glasa »protiv« i 14 glasova »suzdržan«, nije dobio potrebnu većinu.
- Amandman III na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko-sanskog kantona za 2026. godinu, kod budžetskog korisnika Ministarstva obrazovanja, nauke, kulture i sporta, na razdjelu 18, glava 01, potrošačka jedinica 0001, Ekonomski kod 615100, Subanalitika IAU008– Grant za obnovu objekata i lokaliteta kulturnog naslijeđa, Funkcija 0980, umanjuju se sredstva za iznos od 150.000,00 KM. Kod istog budžetskog korisnika otvara se novi ekonomski kod: Restauracija Starog grada Orašac na iznos 150.000,00 KM“, sa 6 glasova »za«, 4 glasa »protiv« i 12 glasova »suzdržan«, nije dobio potrebnu većinu.
- Amandman IV na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko-sanskog kantona za 2026. godinu kod budžetskog korisnika Vlada Unsko-sanskog kantona, na razdjelu 11, glava 01, potrošačka jedinica 0001, Ekonomski kod 615100 BAS009 – Kapitalni grantovi drugim nivoima vlasti, umanjuju se sredstva za iznos od 530.000,00 KM. Kod budžetskog korisnika Ministarstvo za pitanja boraca i ratnih vojnih invalida, otvaraju se novi ekonomski kodovi i raspoređuju na sljedeći način: Kapitalni grantovi drugim nivoima – Izgradnja Spomen soba poginulim pripadnicima AR BiH i civilnim žrtvama rata MZ Orašac – 130.000,00 KM, Kapitalni grantovi drugim nivoima – Izgradnja Turbeta Heroja oslobodilačkoga rata Adila Bešića – 200.000,00 KM i Kapitalni grantovi drugim nivoima – Izgradnja Muzeja generala Mehmeda Alagića – 200.000,00 KM“, sa 5 glasova »za«, 4 glasa »protiv« i 13 glasova »suzdržan«, nije dobio potrebnu većinu.
- Amandman V na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko-sanskog kantona za 2026. godinu, kod budžetskog korisnika Ministarstva obrazovanja, nauke, kulture i sporta, na razdjelu 18, glava 01, potrošačka jedinica 0001, Ekonomski kod 614300, Subanalitika IAN033– Učešće u projektima, nevladinim organizacijama i fondovima, Funkcija 0980, umanjuju se sredstva za iznos od 500.000,00 KM. Kod istog

budžetskog korisnika otvara se novi ekonomski kod: Ugradnja vještačke trave na pomoćnim terenima NK Jedinstvo – NK Kamenica Bihać i NK Podgrmeč Sanski Most na iznos od 500.000,00 KM“, sa 6 glasova »za«, 4 glasa »protiv« i 13 glasova »suzdržan«, nije dobio potrebnu većinu.

- Amandman VI na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko – sanskog kantona za 2026. godinu vrši se preraspodjela kako slijedi Umanjuju se sredstva: Kod budžetskog korisnika Ministarstvo obrazovanja, nauke, kulture i sporta, Na razdjelu 18, glava 01, potrošačka jedinica 0001, Ekonomski kod 821600 - Rekonstrukcija i investiciono održavanje u iznosu 500.000,00 KM. Kod budžetskog korisnika Ministarstvo privrede, Na razdjelu 15, glava 01, potrošačka jedinica 0001, Ekonomski kod 614500 – Subvencije preduzećima i poduzetnicima u iznosu 500.000 KM. Povećavaju se sredstva: Kod budžetskog korisnika Ministarstvo zdravstva, rada i socijalne politike, Razdjel 17, glava 01, potrošačka jedinica 0001, Ekonomski kod 614100 Porodilje u radnog odnosa/HAM006 u iznosu od 500.000,00 KM. Kod budžetskog korisnika Ministarstvo zdravstva, rada i socijalne politike, Razdjel 17, glava 01, potrošačka jedinica 0001, Ekonomski kod 614100 Porodilje van radnog odnosa/HAM006 u iznosu od 500.000,00 KM“, pojedinačnim izjašnjavanjem, sa 10 glasova »za«, bez glasova »protiv« i 15 glasova »suzdržan«, nije dobio potrebnu većinu.
- Amandman VII na prijedlog Budžeta Unsko-sanskog kantona za 2026.godinu, podnesen od Kluba Stranke demokratske akcije koji glasi: „U Budžetu Unsko – sanskog kantona za 2026.godinu, kod budžetskog korisnika Ministarstva zdravstva, rada i socijalne politike, na razdjelu 17, glava 01, potrošačka jedinica 0001, Ekonomski kod 615100 – Kapitalni grantovi – Domovi zdravlja i gradske apoteke, Subanalitika HAU015 – Sredstva za potporu demografskog razvoja, Funkcija 0731, umanjuju se sredstva za iznos od 1.000.000,00 KM. Kod istog budžetskog korisnika otvara se novi ekonomski kod: Kapitalni grantovi - izgradnja objekta Dom zdravlja Bužim na iznos od 1.000.000,00 KM“, sa 6 glasova »za«, 5 glasova »protiv« i 12 glasova »suzdržan«, nije dobio potrebnu većinu.

Nakon završenog izjašnjavanja o predloženim amandmanima, predsjedavajući Skupštine zamolio je zastupnike da se izjasne o prijedlogu zaključka koji je predložila zastupnica Ines Delić.

Prijedlog zaključka kojim se obavezuje Vlada Unsko-sanskog kantona, odnosno Ministarstvo zdravstva, rada i socijalne politike da najkasnije u roku od 60 dana od dana usvajanja ovog Zaključka, usklade zakonske propise kojim se uređuje visina porodiljne naknade, odnosno kojim će se utvrditi minimalna porodiljna naknada za nezaposlene porodilje u iznosu od 1.000,00 KM, a za porodilje u radnom odnosu naknada za najmanje 80% prosječne plate u Federaciji Bosni i Hercegovini, podnesen od zastupnice Ines Delić, pojedinačnim izjašnjavanjem sa 12 glasova »za«, bez glasova »protiv« i 12 glasova »suzdržan«, nije dobio potrebnu većinu.

Zatim je predsjedavajući Skupštine Unsko-sanskog kantona dao na izjašnjavanje:

a) Prijedlog Budžeta Unsko-sanskog kantona za 2026.godinu

Sa 19 glasova »za«, 4 glasa »protiv« i 2 glasa »suzdržan«, prijedlog Budžeta Unsko-sanskog kantona za 2026.godinu, dobio je potrebnu većinu.

Nakon glasanja, podnesen je zahtjev za pojedinačnim izjašnjavanjem zastupnika.

Nakon pojedinačnog izjašnjavanja, sa 19 glasova »za«, 6 glasova »protiv« i bez glasova »suzdržan«, prijedlog Budžeta Unsko-sanskog kantona za 2026.godinu, dobio je potrebnu većinu.

b) Prijedlog Zakona o izvršavanju Budžeta Unsko-sanskog kantona za 2026.godinu

Sa 19 glasova »za«, 2 glasa »protiv« i 2 glasa »suzdržan«, prijedlog Zakona o izvršavanju Budžeta Unsko-sanskog kantona za 2026.godinu, dobio je potrebnu većinu.

Sa 18 glasova »za«, bez glasova »protiv« i 6 glasova »suzdržan«, Skupština Unsko-sanskog kantona donijela je sljedeći

Zaključak

Prima se na znanje Dokument okvirnog Budžeta Unsko-sanskog kantona za period 2026.-2028.godina.

Ad.4.

Nacrt Zakona o predškolskom odgoju i obrazovanju

Izvjestilac: Azra Šulić, ispred Ministarstva obrazovanja, nauke, kulture i sporta.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku,
- Aida Pašić, zamjenica predsjedavajućeg Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Aida Pašić, Azra Tajić, Fatka Kulenović, Azhar Sejarić i Emir Dautović.

Odgovore na postavljena pitanja zastupnika dala je Azra Šulić.

Sa 24 glasa »za«, bez glasova »protiv« i bez glasova »suzdržan«, nacrt Zakona o predškolskom odgoju i obrazovanju, dobio je potrebnu većinu uz zaključak da se javna rasprava provede u roku od 15 dana.

S ovim je završena 33. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić
